

Ե Կ Ե Ղ Ե Յ Ա Կ Ա Ն Կ Ե Ա Ն Ք

Ճարաթ, 1 Յուլիս.- Գիւտ նշխարաց Սրբոյ Հօրն մերոյ Գրիգորի Լուսաւորչին: Ս. Պատարագը մատուցուեցաւ ի Ս. Հրեշտակապետաց, պատարագեց եւ քարոզեց Տ. Գեորգ Արդ. Հայրապետեան:

Կիրակի, 2 Յուլիս.- Դ. Կիրակի զկնի Հոգեգալստեան: Առաւօտեան ժամերգութիւնը պաշտուեցաւ ի Ս. Հրեշտակապետաց, ապա մատուցուեցաւ Ս. Պատարագ՝ Ժամարարն էր Տ. Գեղամ Ծ. վրդ. Չաքարեան:

Հինգշաբթի, 6 Յուլիս.- Սրբոց Թարգմանչաց վարդապետացն մերոց՝ Մահակայ եւ Մեսրոպայ: Գիշերային եւ առաւօտեան ժամերգութիւնները պաշտուեցան ի Ս. Հրեշտակապետաց, ապա մատուցուեցաւ Ս. Պատարագ: Պատարագեց եւ քարոզեց Տ. Սամուէլ Ծ. վրդ. Աղոյեան:

Ճարաթ, 8 Յուլիս.- Սրբոցն Տրդատայ թագաւորին մերոյ, Աշխէն Տիկնոջն եւ Խոսրովիդիստոյն: Ս. Պատարագը մատուցուեցաւ ի Ս. Հրեշտակապետաց. ժամարարն էր Տ. Վանիկ Վրդ. Մանկասարեան:

Կիրակի, 9 Յուլիս.- Գիւտ Տփոյ Ս. Աստուածածնի: Գիշերային ժամերգութիւնը պաշտուեցաւ ի Ս. Հրեշտակապետաց, ապա միաբան հայրեր մեկնեցան Գեթսեմանի պարտէզ. Ս. Կոյսի Գերեզմանին վրայ մատուցուեցաւ Ս. Պատարագ, ժամարարն էր Տ. Ղեւոնդ Վրդ. Յովհաննիսեան: Նախագահեց՝ Տ. Սեւան Արք. Ղարիպեան:

Ճարաթ, 15 Յուլիս.- Սրբոց երկուտասան Առաքելոցն Քրիստոսի եւ Պօղոսի երեքտասաներորդ Առաքելոյն: Գիշերային եւ Առաւօտեան ժամերգութիւնները պաշտուեցան ի Ս. Յակոբ, ապա մատուցուեցաւ Ս. Պատարագ Մայր Տաճարի Ս. Պօղոսի վերնամատրան մէջ: Ժամարարն էր Տ. Կոմիտաս Վրդ. Շերպէթեան:

Կիրակի 16 Յուլիս.- Բարեկենդան Վարդավառի պահոց: Առաւօտեան ժամերգութիւնը պաշտուեցաւ ի Ս. Յակոբ, ապա մատուցուեցաւ Ս. Պատարագ Աւագ խորանի հիւսիսային կողմը գտնուող Ս. Աստուածածնի խորանին վրայ, պատարագեց եւ քարոզեց Տ. Պարեո Ծ. վրդ. Երեցեան:

Պատարագը մատուցուեցաւ Ս. Էջմիածնի մատրան մէջ. ժամարարն էր Տ. Ներսէս Արդ. Աղոյեան:

Ճարաթ, 22 Յուլիս.- Յիշատակ Տապանակին Հնոյ եւ տօն նորոյս Ս. Եկեղեցոյ: Պատարագը մատուցուեցաւ Ս. Էջմիածնի մատրան մէջ. ժամարարն էր Տ. Ներսէս Արդ. Աղոյեան:

Նախատօնակէն ետք Միաբանութիւնը «Օրինեցէք զՏէր» շարականը երգելով քարձրացաւ Պատրիարքարան:

Իրիկնադէմին Մայր Տաճարին մէջ պաշտուեցան «Եկեացէ՛ի» եւ Հսկման արարողութիւնները. հանդիսապետն էր Տ. Սեւան Արք. Ղարիպեան:

Կիրակի, 23 Յուլիս.- Տօն Այլակերպութեան Տեառն մերոյ Յիսուսի Քրիստոսի: Օրուան հանդիսաւոր Ս. Պատարագը՝ Մայր Տաճարի Աւագ սեղանին վրայ մատոյց Ամեն. Պատրիարք Ս. Հայրը:

Երկուշաբթի, 24 Յուլիս.- Յիշատակ մեռելոց: Ս. Պատարագը մատուցուեցաւ ի Ս. Գլխադիր, ժամարարն էր Տ. Գեղամ Ծ. վրդ. Չաքարեան:

Ճարաթ, 29 Յուլիս.- Սրբոյն Թադեոսի Առաքելոյն մերոյ եւ Սանդիստոյ կուսին: Գիշերային եւ Առաւօտեան ժամերգութիւնները պաշտուեցան ի Ս. Յակոբ, ապա մատուցուեցաւ Ս. Պատարագ Ս. Գլխադրի խորանին վրայ. ժամարարն էր Տ. Սամուէլ Ծ. վրդ. Աղոյեան:

Կիրակի, 30 Յուլիս.- Բ. Կիրակի զկնի Վարդավառի: Առաւօտեան ժամերգութիւնը պաշտուեցաւ ի Ս. Յակոբ, ապա մատուցուեցաւ Ս. Պատարագ Ս. Կարապետի խորանին վրայ. ժամարարն էր Տ. Վանիկ Վրդ. Մանկասարեան:

Ճարաթ, 5 Օգոստոս.- Սրբոց Որդւոց եւ Թոռանց Սրբոյն Գրիգորի Լուսաւորչին մերոյ: Ս. Պատարագը մատուցուեցաւ Ս. Գլխադրի խորանին վրայ, ժամարարն էր Տ. Համբարձում Վրդ. Քէշիշեան:

Կիրակի 6 Օգոստոս.- Գ. Կիրակի զկնի Վարդավառի: Ս. Պատարագը մատուցուեցաւ ի Ս. Յակոբ Ս. Աստուածածնի սեղանին վրայ: Ժամարարն էր Տ. Ղեւոնդ Վրդ. Յովհաննիսեան:

Ծաբաթ, 12 Օգոստոս.- Սրբոյն Գրիգորի Աստուածաբանին: Ս. Պատարագը մատուցուեցաւ Ս. Գլխադրի խորանին վրայ. ժամարարն էր Տ. Աղան Աբդ. Գոզչեան:

Կիրակի 13 Օգոստոս.- Դ. Կիրակի զկնի Վարդավառի: Ս. Պատարագը մատուցուեցաւ Ս. Կարապետի խորանին վրայ ի Ս. Յակոբ. ժամարարն էր Տ. Տիրան Աբդ. Յակոբեան: Ս. Պատարագէն ետք կատարուեցաւ խաղողի օրհնութիւն:

Ծաբաթ, 19 Օգոստոս.- Եփեսոսի Ս. Ժողովոյն երկու հարիւր հայրապետացն: Ս. Պատարագը մատուցուեցաւ Ս. Աստուածածնի Գերեզմանին վրայ, ժամարարն էր Տ. Էմմանուէլ Վրդ. Աթաջանեան:

Կիրակի, 20 Օգոստոս.- Բարեկենդան Ս. Աստուածածնի պահոց: Ս. Պատարագը մատուցուեցաւ Ս. Աստուածածնի գերեզմանի վրայ. ժամարարն էր Տ. Ղեւոնդ Վրդ. Յովհաննիսեան:

Ծաբաթ, 26 Օգոստոս.- Տօն Ծողակաթի Ս. Էջմիածնի՝ ըստ տեսեանն Ս. Գրիգորի Լուսաւորչին մերոյ: Ս. Պատարագը մատուցուեցաւ Ս. Էջմիածին մատրան մէջ: Ժամարարն էր Տ. Պարետ Ծ. վրդ. Երեցեան:

Կէսօրէ վերջ Լուսարարապետ Ս. Հօր գլխաւորութեամբ Միաբանութիւնը ինքնաշարժներով մեկնեցաւ Գերթեմանի պարտէզ ու «Հրաշափառ»ով մուտք գործեց Ս. Աստուածածնայ Տաճար, ուր պաշտուեցան երեկոյեան ժամերգութիւնն ու Վերափոխման մեծահանդէս նախատօնակը:

Գիշերասկզբին, նոյն Տաճարին մէջ պաշտուեցան «Եկեացէ»ի եւ Հսկման կարգեր եւ սպա Առաւօտեան ժամերգութիւն: Արարողութիւնները վերջ գտան գիշերուան ժամը 10-ին:

Կիրակի, 27 Օգոստոս.- Վերափոխումն Ս. Աստուածածնի: Առաւօտեան Ամեն. Պատրիարք Ս. Հօր գլխաւորութեամբ, միաբան հայրեր ինքնաշարժով մեկնեցան Գերթեմանի պարտէզ եւ «Հրաշափառ»ով մուտք գործեցին Ս. Աստուածածնայ Տաճար, ուր Տ. Պարետ Ծ. վրդ. Երեցեան, եպիսկոպոսական խոյր ի գլուխ, մատոյց օրուան Ս. Պատարագը եւ յաւուր պատշանի քարոզեց: Ս. Պատարագէն ետք կատարուեցաւ «Անդաստան»ի արարողութիւն նախագահութեամբ Ամեն. Ս. Պա-

տրիարք Հօր, սպա Միաբանութիւնը վերադարձաւ Մայրավանք:

Երեկոյեան Մայր Տաճարի մէջ կատարուեցաւ «Անդաստան» ժամերգութիւն եւ նախատօնակ նախագահութեամբ Լուսարարապետ՝ Տ. Սեւան Աբբ. Ղարիպեանի:

Երկուշաբթի, 28 Օգոստոս.- Յիշատակ մեռելոց, Ս. Պատարագը մատուցուեցաւ ի Ս. Յակոբ, Ս. Գլխադրի խորանին վրայ, ժամարարն էր Տ. Կոմիտաս Վրդ. Շերպէթնեան:

Ծաբաթ, 2 Սեպտեմբեր.- Գիշերաւոյն եւ առաւօտեան ժամերգութիւնները պաշտուեց ի Ս. Յակոբ, սպա մատուցուեցաւ Ս. Պատարագ Աստուածածնայ խորանին վրայ, ժամարարն էր՝ Տ. Թէոդորոս Վրդ. Չաքարեան:

Կիրակի, 3 Սեպտեմբեր.- Ս. Պատարագը մատուցուեցաւ Մայր Տաճարի Աւագ խորանին վրայ: Ժամարարն էր՝ Տ. Սամուէլ Ծ. Վրդ. Աղոյեան:

Երեքշաբթի, 5 Սեպտեմբեր.- Սըրբոցն Յովակիմայ եւ Աննայի, ծնողաց Ս. Աստուածածնի եւ կանանցն իւղաբերից: Ս. Պատարագ մատուցուեցաւ Գերթեմանի Ս. Աստուածածնայ Տաճարին մէջ՝ Հայր Յովսէփի գերեզմանին վրայ: Ժամարարն էր, ըստ սովորութեան, Տաճարի Տեսուչ՝ Տ. Հայրիկ Վրդ. Գալայնեան:

Ծաբաթ, 9 Սեպտեմբեր.- Սրբոց Առաքելոցն Թովմայի, Յակոբայ եւ Ծմաւոնի: Ս. Պատարագը մատուցուեցաւ Ս. Գլխադրի խորանի վրայ, ժամարարն էր՝ Տ. Նորայր Վրդ. Գազազեան:

Կիրակի, 10 Սեպտեմբեր.- Գիւտ Գօտուոյ Ս. Աստուածածնի: Ս. Պատարագը մատուցուեցաւ Գերթեմանի Ս. Աստուածածնայ Տաճարին մէջ՝ Տիրամօր Ս. Գերեզմանին վրայ. ժամարարն էր՝ Տ. Ծնորիք Աբդ. Պալոյեան:

Ծաբաթ, 16 Սեպտեմբեր.- Նիկիոյ Ս. Ժողովոյն երեք հարիւր ութ եւ տասն հայրապետացն: Առաւօտեան ժամերգութիւնը պաշտուեցաւ ի Ս. Յակոբ, սպա Ս. Գլխադրի խորանին վրայ մատուցուեցաւ Ս. Պատարագ, ժամարարն էր՝ Տ. Ներսէս Աբդ. Աղոյեան:

Կիրակի, 17 Սեպտեմբեր.- Բարեկենդան Ս. Իսաչի պահոց: Ժամերգությունը պաշտուեցաւ ի Ս. Յակոբ, ապա միաբան հայրեր մեկնեցան Ս. Յարութեան Տաճար: Ս. Պատարագը մատուցուեցաւ հայկական բաժնի Ս. Գրիգոր Լուսաւորիչ մատրան մէջ. ժամարարն էր Տ. Գեորգ Արդ. Հայրապետեան: Հանդիսապետն էր Տ. Սամուէլ Ծ. Վրդ. Աղոյեան:

Հինգշաբթի, 21 Սեպտեմբեր.- Ծընունդ Ս. Աստուածածնի ի յԱննայէ: Գիշերային ժամերգությունը պաշտուեցաւ ի Ս. Յակոբ, ապա միաբան հայրեր Տ. Սեւան Արք. Ղարիպեանի գլխաւորութեամբ ինքնաշարժով մեկնեցան Գեթսեմանի պարտէզ եւ «Հրաշափառ»ով մուտք գործեցին Ս. Աստուածածնայ Տաճար, ուր Տիրամօր գերեզմանին վրայ պատարագեց եւ քարոզեց հանդիսապետ սրբազանը: Ս. Պատարագէն յետոյ կատարուեցաւ հանրապետական մաղթանք Հայաստանի Հանրապետութեան անկախութեան առիթով:

Ճաբաթ, 23 Սեպտեմբեր.- Տօն եկեղեցւոյ ի նաւակատիս Ս. Իսաչին: Ս. Պատարագը մատուցուեցաւ ի Ս. Յակոբ, Ս. Գլխաղորի խորանին վրայ: Ժամարարն էր՝ Տ. Գեղամ Ծ. Վրդ. Չաքարեան: Կէսօրէ ետք ժամը 3-ին, Ամենապատիւ Պատրիարք Սրբազան Հայրը նախագահեց Մայր Տաճարին մէջ պաշտուած Իսաչվերացի մեծահանդէս նախատօնակին, որմէ յետոյ, ըստ սովորութեան, Ս. Իսաչափայտի մատունքը թափօրով փոխադրուեցաւ Ս. Գլխաղորի մատուռէն Աւագ խորան: Գիշերասկզբին, Մայր Տաճարի մէջ պաշտուեցան «Եկեացէ»ի եւ Հսկման կարգեր, հանդիսապետութեամբ՝ Տ. Սեւան Արք. Ղարիպեանի:

Կիրակի, 24 Սեպտեմբեր.- Տօն Վերացման Սրբոյ Իսաչին: Առաւօտեան կատարուեցաւ ժամերգություն եւ «Անդաստան» ըստ սովորութեան: Ապա մատուցուեցաւ Ս. Պատարագ: Պատարագեց եւ քարոզեց Մայր Աթոռ Ս. Էջմիածնի Դիւանապետ՝ Տ. Արշակ Եպս. Իսաչատրեան: Կէսօրէ վերջ, ժամը 3-ին Մայր Տաճարի մէջ կատարուեցաւ Իսաչվերացի մեծահանդէ «Անդաստան»ը, հանդիսապետութեամբ՝ Ամենապատիւ Պատրիարք Սրբազան Հօր եւ ի ներ-

կայութեան տեղացի եւ ուխտաւոր հաւատացեալներու:

Երկուշաբթի, 25 Սեպտեմբեր.- Յիշատակ Մեռելոց: Ս. Պատարագը մատուցուեցաւ ի Ս. Գլխաղոր, ժամարարն էր՝ Տ. Սամուէլ Ծ. Վրդ. Աղոյեան: Ս. Պատարագէն ետք կատարուեցաւ Հոգեհանգստեան պաշտօն Ս. Աթոռոյս եւ ազգիս բարերարներ՝ Կարապետ եւ Գրիգոր Մելքոնեան հարագատներու հոգիներուն համար:

Ճաբաթ, 30 Սեպտեմբեր.- Տօն Իսաչի, Գիշերային եւ Առաւօտեան ժամերգությունները պաշտուեցան ի Ս. Յակոբ, ապա մատուցուեցաւ Ս. Պատարագ Մայր Տաճարի Ս. Նշան վերնամատրան մէջ: Ժամարարն էր՝ Տ. Վանիկ Վրդ. Մանկասարեան:

Կիրակի, 1 Հոկտեմբեր.- Բարեկենդան Վարագայ Ս. Իսաչի պահոց: Գիշերային ժամերգությունը պաշտուեցաւ ի Ս. Յակոբ, ապա միաբան հայրեր մեկնեցան Ս. Յարութեան Տաճար: Ս. Պատարագը մատուցուեցաւ Տաճարի Հայոց Ս. Գրիգոր Լուսաւորիչ եկեղեցւոյ մէջ: Պատարագեց եւ քարոզեց Տ. Էմմանուէլ Վրդ. Աթաջանեան: Երթ ու դարձի թափօրներուն նախագահեց Տ. Սեւան Արք. Ղարիպեան:

Ճաբաթ, 7 Հոկտեմբեր.- Սրբոցն Գեորգայ Չօրավարին, Աղոկտոսի եւ Ռոմանոսի երգեցողին: Գիշերային ժամերգությունը պաշտուեցաւ ի Ս. Յակոբ, ապա Միաբանությունը մեկնեցաւ Ղապոց Ս. Գեորգ վանքը, ուր համանուն եկեղեցւոյ մէջ պատարագեց եւ քարոզեց Տ. Կորիւն Վրդ. Բաղդասարեան: Ս. Պատարագէն յետոյ Միաբանությունը հիւրասիրուեցաւ Ս. Գեորգ վանքի Հոգեշնորհ Տեսչին կողմէ:

Կէսօրէ ետք Տ. Սեւան Արք. Ղարիպեանի գլխաւորութեամբ, Միաբանությունը մեկնեցաւ Ս. Յարութեան Տաճար, «Հրաշափառ»ի հանդիսաւոր մուտքէն եւ Ս. Գերեզմանի ուխտէն ետք, երեկոյեան ժամերգությունն ու Վարագայ Իսաչի նախատօնակը պաշտուեցան Հայոց Ս. Գրիգոր Լուսաւորիչ եկեղեցւոյ մէջ: Ապա կատարուեցաւ Տնօրինական սրբատեղեաց այցելութեան հանդիսաւոր թափօր Տաճարէն ներս: Թափօրապետն էր Տ. Վանիկ Վրդ. Մանկասարեան:

Կիրակի, 8 Հոկտեմբեր.- Տօն Վարագայ Սրբոյ Իսաչի: Առաւօտեան ժամը 6:45- ին Միաբան հայրեր մեկնեցան Ս. Յարութեան Տաճար, Պատանատեղոյն եւ Գողգոթայի ուխտէն ետք ուղղուեցան Հայոց Ս. Գրիգոր Լուսաւորիչ եկեղեցի, ուր պաշտուեցան Գիշերային եւ Առաւօտեան ժամերգութիւնները: Ապա Ս. Գերեզմանի վրայ մատուցուեցաւ Ս. Պատարագ. Պատարագեց եւ յաւուր պատշաճի քարոզեց, Մեծի Տանն Կիլիկիոյ Կաթողիկոսութեան Միաբան եւ Կիպրոսի Կաթողիկոսական Փոխանորդ՝ Տ. Խորէն Արք. Տողրամանեան:

Ճաբաթ, 14 Հոկտեմբեր.- Սրբոց Եօթանասուն եւ երկու աշակերտացն Զրիստոսի: Գիշերային եւ առաւօտեան ժամերգութիւնները պաշտուեցան ի Ս. Յակոբ, ապա մատուցուեցաւ Ս. Պատարագ Տաճարի գաւիթը, Աւագ դրան հիւսիսը գրտնուող Ս. Գէորգ խորանի վրայ: Ժամարարն էր՝ Տ. Համբարձում Վրդ. Քէշիշեան:

Կիրակի, 15 Հոկտեմբեր.- Դ. Կիրակի զկնի Իսաչի: Առաւօտեան ժամերգութիւնը պաշտուեցաւ ի Ս. Յակոբ, ապա Միաբան հայրեր փոքր խումբով սարկաւազներ եւ ժառանգաւոր սաներ մեկնեցան Ռամիլ քաղաք: Ս. Պատարագը մատուցուեցաւ Հայոց Ս. Գէորգ մատրան մէջ: Պատարագեց եւ քարոզեց՝ Տ. Համբարձում Վրդ. Քէշիշեան:

Ճաբաթ, 21 Հոկտեմբեր.- Տօն Սրբոց Թարգմանչաց Վարդապետացն մեր (Տօն ազգային եւ եկեղեցական): Գիշերային եւ Առաւօտեան ժամերգութիւնները պաշտուեցան ի Ս. Յակոբ, ապա մատուցուեցաւ Ս. Պատարագ Աւագ խորանի վրայ: Պատարագեց եւ քարոզեց Տ. Նորայր Վրդ. Գագազեան:

Կիրակի, 22 Հոկտեմբեր.- Ե. Կիրակի զկնի Իսաչի: Առաւօտեան ժամերգութիւնը պաշտուեցաւ ի Ս. Յակոբ, ապա Միաբան հայրեր Լուսարարապետ Սրբազան Հօր նախագահութեամբ մեկնեցան Ս. Յարութեան Տաճար: Ս. Պատարագը մատուցուեցաւ Տաճարի Հայոց Ս. Գրիգոր Լուսաւորիչ մատրան մէջ: Ժամարարն էր Տ. Ղեւոնդ Վրդ. Յովհաննիսեան:

Ճաբաթ, 28 Հոկտեմբեր.- Սրբոց Աւետարանչացն Մատթեոսի, Մարկոսի,

Ղուկասու եւ Յովահաննու: Գիշերային ժամերգութիւնը պաշտուեցաւ ի Ս. Յակոբ, ապա Միաբան հայրեր՝ նախագահութեամբ Տ. Պարետ Ծ. Վրդ. Երեցեանի, մեկնեցան Ս. Յարութեան Տաճար: Ս. Պատարագը ըստ սովորութեան կը մատուցուէր Ս. Յարութեան Տաճարի գաւիթը՝ Հայոց Յովհաննու Աւետարանչի մատրան մէջ: Սակայն անձրեւի պատճառով Ս. Պատարագը մատուցուեցաւ Տաճարէն ներս՝ Հայոց Ս. Գրիգոր Լուսաւորիչ մատրան մէջ: Ժամարարն էր Տ. Աղան Արդ. Գոգչեան:

Կէսօրէ ետք ժամը 3-ին Ամեն. Պատրիարք Ս. Հօր գլխաւորութեամբ, Միաբանութիւնը մեկնեցաւ Ս. Փրկիչ: 1947 թուականէն ի վեր Ս. Փրկիչի մատուռը կը մնար անգործածելի, մատուռն ու խորանը նորոգուեցան այս տարի: Ամեն. Պատրիարք Ս. Հայրը օժեց Ս. Խորանը, պատկերները եւ մկրտութեան Աւագանը՝ համաձայն կարգաց եւ կանոնաց Հայց. Առաքելական եկեղեցւոյ:

Կիրակի, 29 Հոկտեմբեր.- Զ. Կիրակի զկնի Իսաչի: Առաւօտեան ժամերգութիւնը պաշտուեցաւ ի Ս. Յակոբ, ապա Միաբան հայրեր թափօրով մեկնեցան Ս. Փրկիչ: Ամեն. Պատրիարք Ս. Հայրը կատարեց եկեղեցւոյ օժման կարգը: 1947 թուականէն եօթանասուն տարիներ ետք մատուցուեցաւ առաջին Ս. Պատարագը. ժամարարն էր Տ. Տիրան Արդ. Յակոբեան: Քարոզեց՝ Ամեն. Պատրիարք Սրբազան Հայրը, ի գոհունակութիւն Երուսաղէմի մեր հաւատացեալներուն:

Երկուշաբթի, 30 Հոկտեմբեր.- Սրբոցն Ղունկիանոսի հարիւրապետին, Յովսէփայ Աստուածահօրն, Յովսէփայ Արիմաթացւոյն եւ բարեկամին Զրիստոսի Ղազարու եւ քերց նորա՝ Մարթայի եւ Մարիամու: Գիշերային ժամերգութիւնը պաշտուեցաւ ի Ս. Յակոբ, ապա Միաբան հայրեր մեկնեցան Գեթսեմանի պարտէզ: Ս. Պատարագը մատուցուեցաւ Ս. Աստուածածնայ Տաճարին մէջ, Հայր Յովսէփի զերեզմանին վրայ, անհանգստութեան պատճառով Տաճարին Տեսուչ՝ Տ. Հայրիկ Վրդ. Գալայնեանի փոխարէն պատարագեց Տ. Ղեւոնդ Վրդ. Յովհաննիսեան: Երթ ու դարձի թափօրներուն նախագահեց Տ. Գրիգոր Ծ. Վրդ. Մագուստեան:

Ճարթաթ, 4 Նոյեմբեր.- Սրբոց Երկուսասան վարդապետացն՝ Ռեթեոսի, Դիոնիսիոսի, Սեղբեստրոսի, Աթանասի, Կիրիլի Երուսաղեմացւոյն, Եփրեմի Խուրին ասորւոյ, Բարսղի Կեսարացւոյն, Գրիգորի Նիւսացւոյն, Գրիգորի Աստուածաբանին, Եպիփանու Կիպրացւոյն, Յովհաննու Ոսկեբերանին եւ Կիրիլի Աղեքսանդրացւոյն: Ս. Պատարագը մատուցուեցաւ ի Ս. Յակոբ Ս. Գլխադրի մատրան մէջ: Ժամարարն էր Տ. Պարեոս Ծ. Վրդ. Երեցեան:

Կէսօրէ ետք ժամը 2:15-ին, Տ. Սեւան Արք. Ղարիպեանի գլխաւորութեամբ, միաբան հայրեր մեկնեցան Ս. Յարութեան Տաճար: «Հրաշափառ»ի հանդիսաւոր մուտքէն, ինչպէս նաեւ Ս. Գերեզմանի եւ Գիւտ Խաչի այրի ուխտերէն ետք երեկոյեան ժամերգութիւնն ու Գիւտ Խաչի նախատօնակը պաշտուեցան վերջնոյս կից՝ Հայոց Ս. Գրիգոր Լուսաւորիչ եկեղեցւոյ մէջ: Ապա կատարուեցաւ Տնօրինական Սրբատեղեաց այցելութեան հանդիսաւոր թափօր Տաճարէն ներս: Թափօրապետն էր Տ. Ղեւոնդ Վրդ. Յովհաննիսեան:

Կիրակի, 5 Նոյեմբեր.- Գիւտ Ս. Խաչի: Առաւօտեան ժամը 5:30-ին միաբան հայրեր մեկնեցան Ս. Յարութեան Տաճար, Հայոց Սր. Գրիգոր Լուսաւորիչ եկեղեցւոյ մէջ պաշտուեցան Գիշերային եւ Առաւօտեան ժամերգութիւնները, ապա մատուցուեցաւ Ս. Պատարագ, ժամարարն էր Տ. Կոմիտաս Վրդ. Շերպէթեան: Ապա կատարուեցաւ եռադարձ Մեծահանդէս թափօր Քրիստոսի Ս. Գերեզմանին եւ Պատանատեղւոյն շուրջ գլխաւորութեամբ Տ. Սեւան Արք. Ղարիպեանի, որ ամպիոփանիի տակ, կենաց փայտի մասունքով կ'օրհնէր Տաճարը լցնող բազմութիւնը: Քրիստոսի Սր. Գերեզմանի առջեւ երգուեցաւ «Խաչի Քո Քրիստոս» շարականը, որուն ընթացքին հանդիսապետ Սրբազան Հայրը խնկարկեց Սր. Գերեզմանին շուրջ: Արարողութիւնները աւարտեցան կէսօրին՝ Սր. Գրիգոր Լուսաւորիչ եկեղեցւոյ մէջ:

Ճարթաթ, 11 Նոյեմբեր.- Սրբոյն Յովհաննու Ոսկեբերան հայրապետին: Գիշերային եւ Առաւօտեան ժամերգութիւնները պաշտուեցան ի Սր. Յակոբ, ապա մատուցուեցաւ Ս. Պատարագ Սր.

Գլխադրի մատրան մէջ: Ժամարարն էր Տ. Նորայր Վրդ. Գազազեան:

Կիրակի, 12 Նոյեմբեր.- Ը. Կիրակի, զկնի Ս. Խաչի: Առաւօտեան ժամերգութիւնը պաշտուեցաւ ի Ս. Յակոբ, ապա միաբան հայրեր նախագահութեամբ Լուսարարապետ՝ Տ. Սեւան Արք. Ղարիպեանի, մեկնեցան Ս. Յարութեան Տաճար: Ս. Պատարագը մատուցուեցաւ Տաճարի Հայոց Ս. Գրիգոր Լուսաւորիչ մատրան մէջ, ժամարարն էր Տ. Ծնորիք Արք. Պալոյեան:

Ճարթաթ, 18 Նոյեմբեր.- Սրբոց Հրեշտակապետացն՝ Գաբրիէլի եւ Միքայէլի եւ ամենայն երկնային զօրացն: Գիշերային եւ Առաւօտեան ժամերգութիւնները պաշտուեցան ի Ս. Հրեշտակապետաց, ապա մատուցուեցաւ Ս. Պատարագ: Պատարագեց եւ քարոզեց Տ. Ղեւոնդ Վրդ. Յովհաննիսեան: Յաւարտ Ս. Պատարագի ըստ սովորութեան, կատարուեցաւ Հոգեհանգստեան պաշտօն Ս. Աթոռոյս բարերարուհի Աղանի Ճաւահիրճեանի եւ իր զաւակներու՝ Գրիգորի եւ Սիմոնի հոգիներուն համար:

Կիրակի 19 Նոյեմբեր.- Թ. Կիրակի զկնի Խաչի: Գիշերային եւ Առաւօտեան ժամերգութիւնները պաշտուեցան ի Ս. Հրեշտակապետաց եւ մատուցուեցաւ Ս. Պատարագ: Պատարագեց եւ քարոզեց Տ. Գէորգ Արք. Հայրապետեան:

Կիրակի, 26 Նոյեմբեր.- Ժ. Կիրակի զկնի Խաչի: Գիշերային եւ Առաւօտեան ժամերգութիւնները պաշտուեցան ի Ս. Յակոբ, ապա մատուցուեցաւ Ս. Պատարագ Աւագ Խորանի հիւսիսային կողմը գտնուող Ս. Յովհաննու Կարապետի խորանին վրայ: Ժամարարն էր Տ. Ներսէհ Արք. Ալոյեան:

Պատրաստեց՝

ԳԵՂԱՄ Ծ. ՎՐԴ. ԶԱՔԱՐԵԱՆ